

ქ. თბილისი

12.03.2024 წელი

ერთი მხრივ, ს.ს. „ინჟექციური პათოლოგიის, შიდსისა და კლინიკური იმუნოლოგიის სამეცნიერო პრაქტიკული ცენტრი“ (შემდგომში „შემსყიდველი“) წარმოდგენილი მისი აღმასრულებელი დირექტორის მარინე ეზუგბაიას სახით და მეორე მხრივ, შპს „ავერსი-ფარმა“ (შემდგომში „მიმწოდებელი“), წარმოდგენილი მისი კომერციული დირექტორის ეკატერინე მიქელაძის (მინდობილობის სარეგისტრაციო N230713113, ინდივიდუალური #94042380982123) სახით, „სახელმწიფო შესყიდვების შესახებ“ საქართველოს კანონის შესაბამისად ელექტრონული ტენდერის (NAT240003145) საშუალებით დებენ წინამდებარე სახელმწიფო შესყიდვის შესახებ ხელშეკრულებას (შემდგომში - ხელშეკრულება) შემდეგზე:

1. ხელშეკრულების საგანი

- 1.1 ხელშეკრულების საგანია: პრეპარატები ნერვული სისტემისა და გრძნობის ორგანოებისათვის (CPV - 33660000) შესყიდვა NAT240003145 წინამდებარე ხელშეკრულების პირობების, სატენდერო დოკუმენტაციისა და დანართი N1-ის შესაბამისად, რომელიც თავის მხრივ წარმოადგენს ხელშეკრულების განუყოფელ ნაწილს.
- 1.2 დაფინანსების წყარო: ეკონომიკური საქმიანობიდან მიღებული შემოსავლები;

2. ხელშეკრულების ღირებულება

- 2.1 ხელშეკრულების ჯამური ღირებულებაა: **3 750.00** (სამი ათას შვიდასორმოცდაათი ლარი და 00 თეთრი) ლარი;
- 2.2 ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

3. ანგარიშსწორების ფორმა და ვადები

- 3.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში;
- 3.2 მიმწოდებელთან ანგარიშსწორება განხორციელდება მოწოდებული შესყიდვის ობიექტის შესაბამისად მხარეთა მიერ ხელმოწერილი მიღება-ჩაბარების აქტის და/ან კანონით გათვალისწინებული დოკუმენტაციის (სასაქონლო ზედნადები/საგადასახადო ანგარიშ-ფაქტურა) დადასტურების საფუძველზე;
- 3.3 მიმწოდებელთან ანგარიშსწორება განხორციელდება მიღება-ჩაბარების აქტის ორივე მხრიდან ხელმოწერიდან და/ან კანონმდებლობით დადგენილი თანმდევი დოკუმენტების მოწოდებიდან არაუგვიანეს 60 (სამოცი) კალენდარული დღის განმავლობაში ;

4. შესყიდვის ობიექტის მიღება-ჩაბარების წესი

- 4.1 შესყიდვის ობიექტი ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის და/ან კანონით გათვალისწინებული დოკუმენტაციის (სასაქონლო ზედნადები/საგადასახადო ანგარიშ-ფაქტურა) დადასტურების საფუძველზე;
- 4.2 შემსყიდველის მხრიდან მიღება-ჩაბარების აქტზე (ასეთის შედგენის შემთხვევაში) ხელმოწერ უფლებამოსილ პირს წარმოადგენს აღმასრულებელი დირექტორი;

5. შესყიდვის ობიექტის მიწოდების ვადა და ადგილი

5.1 შესყიდვის ობიექტის მიწოდება განხორციელდება ხელშეკრულების გაფორმებიდან 2024 წლის 31 დეკემბრის ჩათვლით ეტაპობრივად, შემსყიდველის მოთხოვნის შესაბამისად, მოთხოვნიდან 1 დღეში, მისამართზე ქ. თბილისი, წინანდლის ქ#9-10;

6. მხარეთა უფლება-მოვალეობები

6.1 შემსყიდველს უფლება აქვს:

- ნებისმიერ დროს განახორციელოს კონტროლი (ინსპექტირება) და ზედამხედველობა მიმწოდებლის მიერ ხელშეკრულების პირობების დაცვაზე;

6.2 შემსყიდველი ვალდებულია:

- უზრუნველყოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
- დაიცვას ხელშეკრულების სხვა პირობები;

6.3 მიმწოდებელს უფლება აქვს:

- მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობებით;

6.4 მიმწოდებელი ვალდებულია:

- მიაწოდოს შემსყიდველს შესყიდვის ობიექტი ხელშეკრულებით დადგენილ ვადებში;
- დაიცვას ხელშეკრულებით დადგენილი ყველა პირობა;

7. ხელშეკრულებით ნაკისრი ვალდებულებების შესრულების ინსპექტირება

7.1 ხელშეკრულებით ნაკისრი ვალდებულებების შესრულების ინსპექტირებას განახორციელებს მაია კობახიძე (აფთიაქის გამგე);

7.2 ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე გაწეული ან გასაწევი მომსახურების ხარისხის კონტროლს;

7.3 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. ხელშეკრულების პირობების შეუსრულებლობა

8.1 ხელშეკრულებით ნაკისრი ვალდებულებების შესრულების ვადის გაშვების შემთხვევაში, მხარეს ეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0.01%-ის ოდენობით;

8.2 იმ შემთხვევაში თუ პირგასამტეხლოს ოდენობა გადააჭარბებს ხელშეკრულების ღირებულების 3%, შემსყიდველი ორგანიზაცია იტოვებს უფლებას ცალსახად შეწყვიტოს ხელშეკრულება;

8.3 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9. ხელშეკრულებაში ცვლილების შეტანა და ხელშეკრულების შეწყვეტა

9.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;

9.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული

შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;

9.3 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;

9.4 მხარე ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 9.3 პუნქტით გათვალისწინებული გადაწყვეტილების მიღების განზრახვის შესახებ;

9.5 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10. დაუძლეველი ძალა

10.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისგან, თუ აღნიშნული გამოწვეულია აუცდენელი, დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის;

11. დავები და მათი გადაჭრის გზები

11.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ხელშეკრულების მოქმედების ვადა

12.1 ხელშეკრულება ძალაში შედის მისი ხელმოწერის დღიდან და მოქმედებს 2025 წლის 05 მარტის ჩათვლით;

მხარეთა რეკვიზიტები:

ს.ს. „ინფექციური პათოლოგიის, შიდსისა და კლინიკური იმუნოლოგიის სამეცნიერო პრაქტიკული ცენტრი“ საიდენტიფიკაციო კოდი: 212153756 იურ. მის: ქ. თბილისი, ლუბლიანას ქ. N70 საბანკო რეკვიზიტები: სს თიბისი ბანკი ბანკის კოდი: TBCBGE22 ანგარიშის ნომ: GE29 TB71 4413 6020 1000 01	შპს ავერსი-ფარმა საიდენტიფიკაციო კოდი: 211386695 მის: დ. აღმაშენებლის გამზ. N148 ტელ. +995 32 25 00 66 საბანკო რეკვიზიტები: სს თიბისი ბანკი ბანკის კოდი: TBCBGE22 ანგარიშის ნომ: GE69TB7159136120100002
---	---

აღმასრულებელი დირექტორი:

მარინე ეზუგბაია

მ. ეზუგბაია



კომერციული დირექტორი:

ეკატერინე მიქელაძე

დანართი N1

#	დასახელება	რაოდენობა	ერთეული	ერთ. ფასი (ლარი)	საერთო ფასი (ლარი)	მწარმოებელი ქვეყანა	მწარმოებელი კომპანია
1	დიაზეპექსი 5მგ #20ტ	35	კოლოფი	2.00	70.00	ლატვია	რიგა გრინდექსი
2	ნეორელიუმი 5მგ/მლ 2მლ #50ა	10	კოლოფი	38.00	380.00	პოლონეთი	პოლფა ტარხომინი
3	მიდაზოლამ კალც15მგ/3მლ#10ვ/მ/რ	250	კოლოფი	13.20	3 300.00	სლოვაკეთი	HBM Pharma
ჯამური ღირებულება (ლარი)					3 750.00		